





**TALA LELEI  
MAI I LE ATUA!**



## Le auala e fesoasoani ai lenei polosiu ia te oe:

O le a fesoasoani lenei polosiu ina ia a’oa’o tuusa’o oe mai i le Afioga a le Atua, le Tusi Paia. O mau o loo i le faai’uga o palakalafa ta’itasi, o loo faailoa atu ai po o fea o le Tusi Paia e te mau ai tali mo fesili o loo matamata tetele.

Mātau pe e faapefea ona taliina nei fesili, a o e faitau i mau o le Tusi Paia. E fiafia so o se Molimau a leova e fesoasoani iā te oe ina ia fefulfulisa’i i uiga o mau o le Tusi Paia.

 *Faitau le Luka 24:32, 45.*

### E faapefea ona e su’eina i lau Tusi Paia se mau o loo sii mai?

Ua faailoa mai i le mau sii le **tusi** o le Tusi Paia e su’e ai.

O le numera muamua e faailoa mai ai le **mataupu**.

 *Faitau le Ioane 17:3.*

O le numera, po o numera o loo mulimuli mai, e faailoa ai le **fuaiupu po o fuaiupu** e faitau.

### **IOANE 16:33—17:24**

puapuagatia outou i le lalolagi, ae ia loto-tetele! Ua ou manumalo i le lalolagi.”

**17** Ua fetalai atu Iesu i nei mea, ona tepa a’e lea o ona fofoga i le lagi, ua faapea atu: “Lo’u Tamā e, ua oo mai le itula; ia e faamamaluina lou atalii, ina ia faamamaluina oe e lou atalii. **2** Talu ai ua e tuuina mai iā te ia le pule i tagata uma, ina ia avatu e ia le ola e faavavau iā i latou uma ua e tuuina mai iā te ia. **3** O le ola e faavavau fo’i lenei, ia latou iloa oe, le Atua moni e to’atasi, atoa ma lē na e auina mai, o Iesu Keriso. **4** Ua ou faamamaluina oe i le lalolagi, ma ua ou faamāe’aina le

Mātau: O lomiga o loo ta’ua i lenei polosiu ua lomia e Molimau a leova.

© 2012  
WATCH TOWER BIBLE AND TRACT SOCIETY OF PENNSYLVANIA  
*Tala Lelei Mai i le Atua!*

O E Na Lomia  
WATCH TOWER BIBLE AND TRACT SOCIETY OF NEW YORK, INC.  
Brooklyn, New York, U.S.A.  
Lomia iā Oketopa 2013

Ua saunia lenei tusi e a’oa’o ina ai le Tusi Paia i le lalolagi aoao, ma ua lagolagoina e ala i foa’i tauofo. Se’i vaganā ua faailoa atu, ae o mau uma o loo i lenei tusi ua sii mai i *Le Tusi Paia—O le Faaliliuga a le Lalolagi Fou.*

Ata: Itulau e 6, pito i luga, Tusi Tā’ai o le Sami Mate: Shrine of the Book, Photo © The Israel Museum, Jerusalem; itulau e 6, ogatotonu, Manusikulipi Eleni: Mai i le *The Codex Alexandrinus in Reduced Photographic Facsimile*, 1909, e ala mai i le faatagaga a le British Library; itulau e 16, Hitila: Faavae mai i ata mai i le U.S. National Archives; itulau e 32, pito i luga, i le itu taumata, Manusikulipi Eleni: Mai i le *The Codex Alexandrinus in Reduced Photographic Facsimile*, 1909, e ala mai i le faatagaga a le British Library

*Good News From God!* Samoan (fg-SM)  
Made in Japan  
Lomia i Iapani

# O le ā le Tala Lelei?


# 1

## 1. O le ā le tala lelei mai i le Atua?

E finagalo le Atua ina ia maua e tagata uma se olaga fiafia i luga o le lalolagi. Na ia foafoaina le lalolagi ma mea uma o loo iai ona e alofa i tagata. E lē o toe umi ona gaoioi lea o le Atua e aumaia se lumana'i lelei mo tagata i atunuu uma. O le a ia lavea'ia tagata mai i tulaga e māfua ai ona mafatia.


 *Faitau le Ieremia 29:11.*

E leai se faigāmalo o mafai ona aveesea atoatoa faiga sauā, faama'i, ma le oti. Ae o loo iai se tala lelei. Ua toeitiiti ona aveesea lea e le Atua faigāmalo a tagata o loo iai nei, ae suitulaga ai lona malo. O le a fiafia tagatānuu o lona malo i le tele o le filemu ma le soifua mālōlōina lelei.


 *Faitau le Isaia 25:8; 33:24; Tanielu 2:44.*

## 2. Aiseā ua faanatinati ai le tala'ia o le tala lelei?

E faato'ā leai ni mafatiaga pe a aveesea e le Atua le lalolagi o tagata amioleaga. (Sefanaia 2:3) O afea o le a tupu ai lenā mea? O loo valoia e le Afioga a le Atua tulaga o loo lamatia ai soifua o tagata i aso nei. O mea o loo tutupu i le lalolagi, e iloa ai ua latalata le taimi o le a gaoioi ai le Atua.

 *Faitau le 2 Timoteo 3:1-5.*

## 3. O le ā e tatau ona tatou faia?

E tatau ona tatou a'oa'oina mea e uiga i le Atua mai i lana Afioga, le Tusi Paia. Ua tai pei o se tusi mai i se tamā alofa mo i tatou. O loo ta'ua ai le auala e maua ai se olaga lelei i le taimi lenei, ma le auala o le a maua ai le ola e faavavau i le lalolagi i le lumana'i. O le mea moni, e ono lē manana'o nisi e te mauaina le fesoasoani e malamalama ai i le Tusi Paia. Peita'i, talu ai ua folafola mai e le Atua se lumana'i lelei mo i tatou, o lea, e lē tatau ona faatagaina isi e taofia i tatou mai i le a'oa'oina o le Tusi Paia.  *Faitau le Faataoto 29:25;*

*Faaaliga 14:6, 7.*



# 2

## O Ai le Atua?

### 1. Aiseā e tatau ai ona tatou tapuaʻi i le Atua?

O le Atua moni, o ia lea o Lē na foafoaina mea uma. E leai sona amataga, e leai lava sona gataaga. (Salamo 90:2) O ia o le Puna o le tala lelei o loo i le Tusi Paia. (1 Timoteo 1:11) Talu ai o le Atua na foaʻiina mai iā i tatou le ola, e tatau la ona tatou tapuaʻi atu tau lava o ia. 📖 *Faitau le Faaaliga 4:11.*

### 2. E faapeʻi uiga o le Atua?

E leai se tasi ua vaai i le Atua auā o ia o le Agaga, o lona uiga, e sili atu ona maualuga o ia i foafoaga faitino o loo ola i le lalolagi. (Ioane 1:18; 4:24) Peitaʻi, ua tatou vaaia uiga o le Atua i mea na ia faia. O se faaaʻoaʻoga, pe a tatou mātāuina le matalasi o fua o laau ma fugālaau eseese, ua tatou iloa ai le alofa ma le atamai o le Atua. O le telē o le vateatea, ua taʻu mai ai lona mana. 📖 *Faitau le Roma 1:20.*

O le faitauina o le Tusi Paia ua tatou aʻoaʻoina ai le tele o isi mea e faatatau i uiga o le Atua. O se faaaʻoaʻoga, ua taʻua ai mea e fiafia i ai le Atua ma mea e lē fiafia i ai, le auala e feagai ai o ia ma tagata, ma le auala e na te taulima ai tulaga eseese. 📖 *Faitau le Salamo 103:7-10.*

### 3. Pe e iai se suafa o le Atua?

Na fetalai Iesu: “Lo matou Tamā e o i le lagi, ia faapaiaina lou *suafa*.” (Mataio 6:9) E ui e tele faalupega o le Atua, ae e tasi lava lona suafa. E tofu le gagana ma le auala e faaleo ai. I le gagana Samoa, e masani ona faaleo o “Ieova.”

📖 *Faitau le Salamo 83:18.*

Ua aveesea le suafa o le Atua mai i le tele o Tusi Paia, ae suia i le faalupega Alii po o le Atua. Ae i le taimi na tusia ai le Tusi Paia, sa iai le suafa o le Atua e tusa ma le 7,000 taimi. Sa faalauiloa e Iesu le suafa o le Atua ina ua ia aʻoaʻoina tagata e uiga i le Atua. 📖 *Faitau le Ioane 17:26.*

#### 4. Po o manatu mamafa mai leova iā i tatou?

Talu ai ua tele mafatiaga, po o lona uiga, e lē o manatu mamafa mai le Atua iā i tatou? Ua fai mai nisi, o mafatiaga ua tofotofa ai i tatou e le Atua, peita'i e lē sa'o lenā manatu.

📖 *Faitau le Iakopo 1:13.*

Ua faamamaluina e le Atua le tagata i le tuuina i ai o le filifiliga sa'oloto. Pe e tatou te lē talisapaia ea lo tatou sa'olotoga e filifili ai e auauna i le Atua? (Iosua 24:15) Peita'i, ua tele mafatiaga ona e to'atele ua filifili e faia mea leaga i isi. E tigā le finagalo o leova i le silasila mai i na faiga lē tonu.

📖 *Faitau le Kenese 6:5, 6.*

O leova o se Atua e manatu mamafa mai iā i tatou, ma e finagalo ina ia tatou maua se olaga fiafia. Ua toetiiti ona soloiesea lea e leova mafatiaga ma ē o faapogaia. Ae i le taimi e tasi, e iai se māfuaaga lelei ua lē taofia ai e leova mafatiaga mo sina taimi. O le a tatou iloiloina lenā māfuaaga i le Lesona e 8. 📖 *Faitau le 2 Peteru 2:9; 3:7, 13.*

#### 5. E faapefea ona tatou mafuta vavalalata atu i le Atua?

Ua valaaulia i tatou e leova ina ia mafuta vavalalata atu iā te ia, e ala i le talanoa atu i le tatalo. E naunau mai o ia iā i tatou ta'ito'atasi. (Salamo 65:2; 145:18) E nofosauni e faa-magalo. E na te silafia a tatou taumafaiga ina ia faafiafia o la, e ui lava e tatou te lē taulau i nisi o taimi. O lea, e mafai lava ona tatou maua se mafutaga vavalalata ma le Atua, e ui i lo tatou tulaga lē lelei atoatoa. 📖 *Faitau le Salamo 103:12-14; Iakopo 4:8.*

Ona o leova na foa'i maia le ola, e tatau la ona sili atu lo tatou alolofa iā te ia nai lo o se isi. (Mareko 12:30) A o faa-alia atu lou alofa i le Atua e ala i le a'oa'oina o mea e uiga iā te ia ma faia lona finagalo, o le a atili ai ona e vavalalata atu iā te ia. 📖 *Faitau le 1 Timoteo 2:4; 1 Ioane 5:3.*


E pei o lenei tamā alofa, e gaoioi leova mo lo tatou lelei tumau




# 3


## Pe e Moni e Mai i le Atua le Tala Lelei?

### 1. O ai le Tusitala o le Tusi Paia?

I le Tusi Paia, o loo tusia ai le tala lelei e faapea, o le a ola e faavavau tagata i le lalolagi. (Salamo 37:29) E 66 tama'i tusi o loo faia a'e ai le Tusi Paia. Na faaaogā e le Atua ni tane faamaoni se to'a 40 e tusia le Tusi Paia. O ulua'i tusi e lima, na tusia e Mose pe tusa o le 3,500 tausaga ua mavae. Na tusia le tusi mulimuli e le aposetolo o loane, i le silia i le 1,900 tausaga ua mavae. O manatu o ai na tusia e nei tane? Na fesoota'i le Atua ma tane na tusia le Tusi Paia e ala i lona agaga paia. (2 Samuelu 23:2) Na latou tusia manatu o le Atua, ae e lē o o latou lava manatu. O lea, o leova o le Tusitala o le Tusi Paia.  *Faitau le 2 Timoteo 3:16; 2 Peteru 1:20, 21.*

### 2. E faapefea ona tatou mautinoa e sa'ō a'ia'i le Tusi Paia?

Ua tatou iloa o le Tusi Paia e mai i le Atua, auā ua valoia au'ilili ai ma le sa'ō mea o le a tutupu i le lumana'i. E lē mafai e se tagata ona fai lenā mea. (Iosua 23:14) E na o le Atua o Lē e ona le malosi uma lava, e mafai ona valoia mai ma le sa'ō a'ia'i le lumana'i o tagata.  *Faitau le Isaia 42:9; 46:10.*

E tutasi le Tusi Paia mai i isi tusi uma, ona o se tusi e mai i le Atua. E faitau piliona kopi o le Tusi Paia ua iai, ma ua faaliliuina i le faitau selau o gagana. E ui o le Tusi Paia e mai anamua, ae e sa'ō manatu o loo iai e uiga i nisi o mataupu faasaienisi ua faamaonia e moni. E lē feteena'i fo'i faamatalaga a tane e to'a 40 na tusia le Tusi Paia. E lē gata i lea, o faamatalaga o loo i le Tusi Paia e uiga i le alofa, ua na o le Atua moni ua aumaia ai, auā o le Atua o le alofa lava ia. O loo iai fo'i i le Tusi Paia le mana e suia ma faaleleia ai olaga o tagata. O nei mea moni ua talitonu ai le faitau miliona o tagata, o le Tusi Paia, o le Afioga lea a le Atua.  *Faitau le 1 Tesalonia 2:13.*



### 3. O le ā e faatatau i ai le Tusi Paia?

O loo taula'i atu le Tusi Paia i le tala lelei e faatatau i le fuafuaga alofa a le Atua mo tagata. O loo faamatala i le Tusi Paia le auala na leiloa ai le faaeaga o le ola i le lalolagi parataiso talu mai le amataga, ma le auala o le a toe faafo'isia ai lenā parataiso. 📖 *Faitau le Faaaliga 21:4, 5.*

O loo iai fo'i i le Afioga a le Atua ni tulafono, mataupu sili-sili, ma fautuaga. E lē gata i lea, o loo faamauina i le Tusi Paia ni faaa'oa'oga i le auala na feutaga'i ai le Atua ma tagata. O nei faaa'oa'oga ua tatou iloa ai le ituaiga o Atua e iai o ia. O lea, e mafai ona fesoasoani le Tusi Paia iā te oe ina ia iloa le Atua, ma avea ai oe ma ana uō. 📖 *Faitau le Salamo 19:7, 11; Iakopo 2:23; 4:8.*

### 4. E faapefea ona e malamalama i le Tusi Paia?

O le a fesoasoani lenei polosiua iā te oe ina ia malamalama ai i le Tusi Paia, e ala i le faaaogāina o le auala na faaaogā fo'i e Iesu. Sa ta'u atu e Iesu le tele o mau o le Tusi Paia ma 'matuā faamatala atu le uiga o Tusitusiga Paia.'

📖 *Faitau le Luka 24:27, 45.*

E leai se mea e sili ona tāua nai lo o le a'oa'oina o le tala lelei mai i le Atua. Peita'i, e lē manatu faapena nisi tagata ma e 'ino'ino i ai. Aua e te lotovaivai ai. E faalagolago lou mauaina o le ola e faavavau, i lou iloa lelei o le Atua.

📖 *Faitau le Ioane 17:3.*




# 4


## O ai Iesu Keriso?



### 1. O fea na afio mai ai Iesu?

I le lē pei o isi tagata, sa soifua Iesu i le lagi o se agaga, a o le'i fanau mai i le lalolagi. (Ioane 8:23) O Iesu o le ulua'i foafoaga a le Atua, ma na fesoasoani i le foafoaina o isi mea uma. E na o ia lava na foafoaina tuusa'o e leova, o lea ua talafeagai ai ona ta'ua o ia o le Atalii "e to'atasi." (Ioane 1:14) Sa avea Iesu ma Fofoga Fetalai o le Atua, ma ua ta'ua ai fo'i o "le Upu."  *Faitau le Faataoto 8:22, 23, 30; Kolose 1:15, 16.*

### 2. Aiseā na afio mai ai Iesu i le lalolagi?

Na tuuina e le Atua le soifua o lona Alo mai i le lagi i le manava o le taupou lutaia o Maria. O lea la, e le'i iai se tamā faaletagata o Iesu. (Luka 1:30-35) Na afio mai Iesu i le lalolagi (1) e a'oa'o le upu moni e uiga i le Atua, (2) faataatia se faaa'oa'oga i le faia o le finagalo o le Atua, e tusa lava pe e tatau te fesaga'ia faigatā, ma le (3) foa'i mai o lona soifua lelei atoatoa e fai "ma togiola."  *Faitau le Mataio 20:28.*

### 3. Aiseā e tatou te mana'omia ai se togiola?

O le togiola, o se tau e totogi e toe faasa'oloto mai ai se tagata ua faamata'uina o le a fasiotia. (Esoto 21:29, 30) E le'i aofia i le ulua'i fuafuaga a le Atua mo tagata, le oti ma le ola matua. E faapefea ona tatou iloa lenā mea? Na ta'u atu e le Atua i le ulua'i tagata o Atamu, afai e na te faia le mea o loo

ta'ua i le Tusi Paia o le "agasala," o le a oti o ia. Ana lē agasala Atamu, e lē oti lava. (Kenese 2:16, 17; 5:5) E tusa ai ma le Tusi Paia, ua "oo mai" le oti i tagata uma ona o Atamu. O lea la, ua tuufaasolo mai ai i ē uma na tupuga mai iā te ia le agasala,

O ā uiga na faaalua e Iesu, na faigofie ai i tagata ona talanoa atu iā te ia?

—MATAIO 11:29;  
MAREKO 10:13-16.



ma le faasalaga o le oti. E tatou te mana'omia se togiola ina ia faasaoina ai i tatou mai i le faasalaga o le oti, lea ua tuu-faasolo mai iā Atamu. 📖 *Faitau le Roma 5:12; 6:23.*

O ai e mafai ona totogia le togiola ina ia faasa'oloto ai i tatou mai le oti? Pe a feoti, ua tatou totogia ai na o a tatou lava agasala. E lē mafai ona totogia e se tagata e lē lelei atoatoa agasala a isi. 📖 *Faitau le Salamo 49:7-9.*

#### 4. Aiseā na maliu ai Iesu?

E lē pei Iesu o i tatou auā o ia o se tagata e lelei atoatoa. E le'i mana'omia ona maliu o ia auā e leai ni ana agasala, ae na maliu ona o a tatou agasala. Na auina mai e le Atua lona Alo e maliu mo i tatou, e faaalua ai lona alofa tele i tagata. Na faaalua fo'i e Iesu lona alofa mo i tatou i le ususita'i i lona Tamā, ma foa'i mai lona ola mo a tatou agasala.


📖 *Faitau le Ioane 3:16; Roma 5:18, 19.*

#### 5. O le ā le tulaga o Iesu i le taimi nei?

A o iai Iesu i le lalolagi, sa ia faamālōlōina ma'i, faatutūina ē na maliliu, ma lavea'iina tagata puapuagatia, ma ua faata'ita'ia mai ai mea o le a ia faia i le lumana'i mo tagata ususita'i uma. (Mataio 15:30, 31; Ioane 5:28) Ina ua mavae le maliu o Iesu, na toe faatūina o ia e le Atua o se foafoaga agaga. (1 Peteru 3:18) Na faatalitali Iesu i le itu taumatau o leova, se'ia oo i le taimi e tuuina atu ai iā te ia le mana e pule ai o se Tupu i le lalolagi aoao. (Eperu 10:12, 13) Ua pule nei Iesu o se Tupu i le lagi, ma o loo folafola atu e ona soo le tala lelei i le lalolagi aoao. 📖 *Faitau le Tanielu 7:13, 14; Mataio 24:14.*

E lē o toe umi ae faaaogā loa e Iesu lona mana o se Tupu e aveesea ai puapuaga uma, ma i latou o loo faapogaia. O i latou uma o loo faaalua le faatuatua ma ususita'i iā Iesu, o le a olioli i le ola i le parataiso i le lalolagi.

📖 *Faitau le Salamo 37:9-11.*



# 5


## O le ā le Finagalo o le Atua mo le Lalolagi?

### 1. Aiseā na foafoaina ai e le Atua le lalolagi?

Na tuuina mai e leova le lalolagi i le fanau a tagata e nonofo ai. O lea la, e le'i foafoaina le ulua'i ulugalii o Atamu ma Eva e ola i le lagi, auā ua uma ona foafoaina e le Atua agelu e nonofo ai. (Iopu 38:4, 7) Nai lo lea, na tuu e le Atua le ulua'i tane i se Parataiso matagofie e ta'ua o le faato'aga o Etena. (Kenese 2:15-17) Na tuu atu e leova iā te ia ma lana fanau le faamoemoe e olioli ai e faavavau i le lalolagi.

 *Faitau le Salamo 37:29; 115:16.*

I le taimi muamua, e na o le faato'aga o Etena sa avea ma parataiso. Na tataui i le ulua'i ulugalii ona faatumu le lalolagi i a la fanau, ma galuea'iina le lalolagi e avea ma parataiso. (Kenese 1:28) O le a lē taitai ona faaumatiaina le lalolagi, ae o le a avea pea ma nofoaga tumau o tagata.


 *Faitau le Salamo 104:5.*

### 2. Aiseā ua lē avea ai le lalolagi ma parataiso i le taimi nei?

Na tuu ese e leova Atamu ma Eva mai i le faato'aga ina ua lē ususita'i i la'ua. Ua lē o toe iai se parataiso, ma e leai se isi e mafai ona toe faafo'isia mai. Ua ta'ua i le Tusi Paia: “Ua tuuina mai le lalolagi i le lima o lē ua amioleaga.”—Iopu 9:24.

 *Faitau le Kenese 3:23, 24.*


Po ua faagaloina e leova lana ulua'i fuafuaga mo tagata? E leai! O ia o lē e ona le malosi uma lava, ma e taulau manuia mea uma e finagalo i ai. (Isaia 45:18) O le a ia toe faafo'i le tagata i le tulaga na finagalo i ai i le amataga.

 *Faitau le Salamo 37:11, 34.*


### 3. O le a faapefea ona toe faafo'isia le Parataiso?


O le a toe faafo'isia le parataiso i le lalolagi a o faagasolo le pulega a le tupu a le Atua, o Iesu. I le taua e ta'ua o Amaketo, o le a ta'ita'ia ai e Iesu agelu a le Atua ma faaumatia ai i latou




uma e tetee iā te la, ona saisai lea e lesu o Satani ma lafo i le tō mo tausaga e 1,000. O le a faaolaina tagata o le Atua mai i lenā faaumatia, ona o le a ta'ita'ia ma puipuia i latou e lesu. O le a latou olioli i le ola e faavavau i le Parataiso i le lalolagi.  *Faitau le Faaaliga 20:1-3; 21:3, 4.*

#### 4. O afea o le a faamutaina ai puapuaga?

O afea o le a faamutaina ai e le Atua mea leaga o loo tupu i le lalolagi? Na faailoa mai e lesu le “faailoga” e iloa ai ua lata mai le i’uga. O mea o loo tutupu i le lalolagi i le taimi nei, ua matuā lamatia ai ola o tagata, ma ua manino mai ai o loo tatou ola i “le taufaai’ui’uga o le faiga o mea a le lalolagi.”  *Faitau le Mataio 24:3, 7-14, 21, 22.*

O le a faamutaina e lesu mafatiaga a o faagasolo lana pulega o le 1,000 tausaga mai i le lagi i le lalolagi. (Isaia 9:6, 7; 11:9) E ese mai i lona tulaga o se Tupu, o le a avea fo’i lesu o le Ositaulaga Sili e faamagaloina agasala a i latou e alolofa i le Atua. O lea la, e ala iā lesu, o le a aveesea atoatoa ai e le Atua ma’i, le soifua matua, ma le oti.  *Faitau le Isaia 25:8; 33:24.*

#### 5. O ai o le a ola i le Parataiso i le lumana’i?

O le a ola i le Parataiso tagata e usiusita’i i le Atua. (1 Ioane 2:17) Na auina atu e lesu ona soo ina ia sa’ili tagata agamalu, ma a’oa’oina i latou i le auala e maua ai le finagalo malie o le Atua. O loo sauniunia e leova i aso nei le faitau miliona o tagata, e ola i le lumana’i i le Parataiso i le lalolagi. (Sefanaia 2:3) I Maota mo Sauniga a Molimau a leova, o loo a’oa’oina ai e tagata le auala e avea ai ma tane po o ni tamā lelei, faapea le avea ai ma avā po o se tinā lelei. E tapua’i faatasi mātua ma fanau, ma a’oa’oina le auala e maua ai aogā mai i le tala lelei.  *Faitau le Mika 4:1-4.*



I le Maota mo Sauniga, o le a e feiloa’i ai i tagata e alolofa i le Atua ma manana’o e a’oa’oina le auala e faafiafia ai o ia



# 6

## O le ā le Faamoemoe mo Ē ua Maliliu?



### 1. O le ā le tala lelei e uiga i ē ua maliliu?

Ua fā aso talu ona maliu Lasalo le uō a Iesu, ae taunuu loa Iesu i Petania e lata ane i Ierusalem. Na ō atu i le tuugamau Iesu ma tuafāfine o Lasalo, o Mareta ma Maria. E le'i umi ae lolofi atu le to'atele o tagata. Se'i mafaufau i le fiafia o Mareta ma Maria ina ua toe faatūina e Iesu Lasalo!

📖 *Faitau le Ioane 11:21-24, 38-44.*

Ua leva ona iloa e Mareta le tala lelei e uiga i ē ua maliliu. Na ia iloa o le a toe faatutūina e leova i latou ua maliliu, ina ia ola i luga o le lalolagi. 📖 *Faitau le Iopu 14:14, 15.*

### 2. O le ā le tulaga o ē ua maliliu?

O tagata e fai mai i le efuefu. (Kenese 2:7; 3:19) E leai se agaga o le tagata e ola pea pe a maliu. O i tatou o ni foafoaga faitino, ma e leai se vaega o i tatou e mafai ona sao mai i le oti. Pe a tatou feoti, ua lē toe ola o tatou fai'ai, ma ua lē toe iai fo'i ni o tatou manatunatuga. O lea la, ina ua toe faatūina mai Lasalo, e leai sana tala e faatatau i le mea sa iai ina ua maliu, auā o ē ua oti e latou te lē iloa se mea.


📖 *Faitau le Salamo 146:4; Failauga 9:5, 6, 10.*

Pe e faapuapuatia e le Atua tagata i le afi pe a maliliu? Talu ai o loo faaalua mai i le Tusi Paia, o ē ua maliliu e lē o toe iloa se mea, e manino mai la, o le afi i seoli o se a'oa'oga sesē e ta'uleagaina ai le Atua. E 'ino'ino o la i le a'oa'oga e faapea e faapuapuatia tagata i le afi. 📖 *Faitau le Ieremia 7:31.*


---


Na fetalai le Atua iā Atamu: “O le efuefu oe, e te toe fo'i atu lava i le efuefu.”—KENESE 3:19.

### 3. Pe e mafai ona talanoa mai ē ua maliliu iā i tatou?


E lē mafai e i latou ua maliliu ona tautatala pe e faalogo fo'i. (Salamo 115:17) Ae e iai nisi o agelu e leaga, ma e ono talanoa atu i tagata o loo feola, ma faafoliga mai i tagata ua maliliu. (2 Peteru 2:4) E faasā e leova le taumafai e talanoa atu i ē ua maliliu.  *Faitau le Teuteronome 18:10, 11.*

### 4. O ai o le a toetutū mai?

O le a toetutū mai i le lalolagi fou le faitau miliona o ē ua maliliu. O le a faatutūina fo'i nisi o ē na faia mea leaga ona latou te le'i iloa le Atua.  *Faitau le Luka 23:43; Galuega 24:15.*

E mafai e i latou o le a toetutū mai ona a'oa'o upu moni e uiga i le Atua, ma faaalua le faatuatua iā Iesu e ala i le usiustā'i iā te ia. (Faaaliga 20:11-13) O ē e toetutū mai ma faia mea lelei, o le a olioli i le ola e faavavau i le lalolagi.  *Faitau le Ioane 5:28, 29.*

### 5. O ā mea ua tatou iloa e uiga iā leova ona o le toetū?

Ua mafai ona maua le faamoemoe o le toetū, ona na auina mai e le Atua lona Alo ina ia maliu mo i tatou. O le toetū, ua tatou iloa ai le alofa ma le agalelei faifua o leova iā i tatou. O ai e sili ona e fia feiloa'i i ai, pe a toetutū mai ē ua maliliu?  *Faitau le Ioane 3:16; Roma 6:23.*



# 7

## O le ā le Malo o le Atua?



### 1. O le ā le Malo o le Atua?

O le Malo o le Atua, o se faigāmalo i le lagi. O le a suia e lenā Malo ia malo uma o loo iai nei, ma faataunuaina ai le finagalo o le Atua i le lagi ma le lalolagi. O se tala lelei le tala e uiga i le Malo o le Atua. Ua toetiiti ona faamalieina lea e le Malo o le Atua mana’oga o tagata, mo se faigāmalo lelei. O le a autasia ai tagata uma o le a nonofo i le lalolagi.

📖 *Faitau le Tanielu 2:44; Mataio 6:9, 10; 24:14.*

Ua tofia e leova lona Alo o lesu Keriso e fai ma Tupu o Lona Malo. 📖 *Faitau le Faaaliga 11:15.*

### 2. Aiseā ua agavaa ai lesu e avea ma Tupu?

Ua agavaa le Alo o le Atua e avea ma Tupu ona o lona alofa, ma e maumaua’i e faia le mea tonu. (Ioane 1:14) E tele fo’i lona mana e fesoasoani ai i tagata, auā o le a pule o ia

mai i le lagi i le lalolagi. Ina ua toetū lesu, na afio a’e o ia i le lagi ma faatalitali i le itu taumatau o leova. (Eperu 10:12, 13) Mulimuli ane, na tuuina atu e le Atua iā te ia le mana e pule ai.

Aiseā ua agavaa ai lesu e avea ma Tupu?


—MAREKO 1:40-42.

📖 *Faitau le Tanielu 7:13, 14.*

### 3. O ai o le a pule faatasi ma lesu?

O le a pule mai i le lagi lesu ma se vaega e ta’ua “o le ‘aupaiā.” (Tanielu 7:27) O le ‘aupaiā na mua’i tofia, o aposetolo faamaoni o lesu. E oo mai i le asō, o loo faaauau pea ona tofia e leova tane ma fafine faamaoni o lea vaega. E toetutū mai fo’i i latou i tino agaga e pei o lesu. 📖 *Faitau le Ioane 14:1-3; 1 Korinito 15:42-44.*

E to’afia le vaega e o i le lagi? Na ta’ua i latou e lesu o le “lafu mamoe itiiti.” (Luka 12:32) O lo latou aofa’i e

144,000, ma o le a pule faatasi ma Iesu mai i le lagi i le lalolagi.  *Faitau le Faaaliga 14:1.*


#### 4. O le ā na tupu ina ua amata ona pule Iesu?

Na amata ona pule le Malo o le Atua i le tausaga e 1914.\* O le gaoioiga muamua lava a Iesu o se Tupu, o le lafoina mai lea o Satani ma ana temoni i le lalolagi. Ua matuā lotoa Satani ma ua ia faapogaia le tele o puapuaga i le lalolagi atoa. (Faaaliga 12:7-10, 12) Talu mai lenā taimi, ua matuā faateleina lava mafatiaga o tagata. O taua, oge, faama’i, ma mafui’e, o vaega uma o le “faailoga,” e iloa ai e lē o toe umi ona pule atoatoa mai lea o le Malo o le Atua i le lalolagi.

 *Faitau le Luka 21:7, 10, 11, 31.*

#### 5. O ā mea ua faataunuaina e le Malo o le Atua?


O se tasi o mea ua faataunuaina e le Malo o le Atua e ala i le galuega tala’i i le lalolagi atoa, o le autasia lea o le motu o tagata e to’atele mai i atunuu uma. E faitau miliona ua avea ma tagatānuu o le Malo o le Atua, i lalo o le pulega a Iesu. O le a puipuia e le Malo o le Atua i latou pe a faamatiaina leni faiga o mea a le lalolagi. O lea la, o i latou uma lava e manana’o e maua aogā mai i le Malo o le Atua, e tataua ona avea i latou o ni ē e usiusita’i iā Iesu.

 *Faitau le Faaaliga 7:9, 14, 16, 17.*

A o faagasolo le 1,000 tausaga, o le a faataunu ai e leni Malo le ulua’i fuafuaga a le Atua sa iai mo tagata. O le a avea le lalolagi atoa ma parataiso. Pe a mǎe’a lenā, ona toe tuuina atu lea e Iesu le Malo i lona Tamā. (1 Korinito 15:24-26) Pe e te silafia nisi o fia faalogo i leni tala lelei o le Malo o le Atua?

 *Faitau le Salamo 37:10, 11, 29.*

\* Mo nisi faamatalaga i le auala na valoia ai e le Tusi Paia le tausaga e 1914, taga’i i le itulau e 215-218 o le tusi *O ā A’oa’oga Moni a le Tusi Paia?*



# 8

## Aiseā ua Lē Taofia ai e le Atua Mea Leaga ma Mafatiaga?

### 1. Na faapefea ona amata mai le leaga?

Na amata ona iai le leaga i le lalolagi ina ua faia e Satani le ulua'ī pepelo. Sa avea o ia o se agelu e lelei atoatoa, peita'ī e “le'ī tumau lava o ia i le upu moni.” (Ioane 8:44) Na tu'īnanau o ia i le tapua'īga e na o le Atua e tatau ona avatu i ai. Na ia 'olegia ma faasesēina le ulua'ī fafine o Eva, ma uuna'ia le fafine e usita'ī iā te ia nai lo o le Atua. Na faatasi atu Atamu i le lē usita'ī o Eva i le Atua. O le filifiliga a Atamu, na i'u ai i mafatiaga ma le oti.

📖 *Faitau le Kenese 3:1-6, 19.*

Na uuna'ia e Satani Eva e aua le ususita'ī i le Atua, ma ua ia foua ai le pule silisili ese a le Atua, po o lona tulaga o Lē e Silisili Ese. O le to'atele o tagata ua aufaatasi ma Satani i le teena o le Atua, o ia o le Pule. O lea la, ua avea ai Satani ma “pule o le lalolagi.” 📖 *Faitau le Ioane 14:30; 1 Ioane 5:19.*

### 2. Pe sa ponā foafoaga a le Atua?

Na lelei atoatoa foafoaga uma a le Atua. Na mafai e tagata ma agelu na foafoaina e le Atua ona ususita'ī atoatoa iā te ia. (Teuteronome 32:4, 5) Na foafoaina e le Atua i latou ina ia iai le sa'olotoga e filifili ai, i le faia o le mea e lelei ma le mea e leaga. O lenā sa'olotoga ua tuu mai ai iā i tatou le avanoa, e faaalua ai lo tatou alolofa i le Atua. 📖 *Faitau le Iakopo 1:13-15; 1 Ioane 5:3.*


### 3. Aiseā ua lē taofia ai e le Atua puapuaga se'ia oo mai i aso nei?


O loo onosa'ī mai pea leova i ē e tetee i lana pule silisili ese. Aiseā? Ina ia faaalua ai, e lē taulau pulega a tagata pe a aunoa ma ia. (Failauga 7:29; 8:9) I le mavae ai o le 6,000 tausaga o le talafaasolopito o tagata, ua manino mai ai e lē o mafai e pulega faaletagata ona aveesea

Ua faatagaina e le Atua tagata e pule mo se taimi, ina ia iloa ai e lē mafai e tagata ona aveesea faafitauli






taua, solitulafono, le lē faamasinotonu, ma faama‘i.  *Faitau le Ieremia 10:23; Roma 9:17.*

E ese mai i pulega faaletagata, o i latou e taliaina le pulega a le Atua o le a maua faamanuiaga. (Isaia 48:17, 18) Ua lē o toe umi ona faaumatia lea e leova o faigāmalo uma faaletagata. E na o ē e ususita‘i i le pulega a le Atua e tumau pea i lenei lalolagi.—Isaia 11:9.  *Faitau le Tanielu 2:44.*


#### **4. O le ā le avanoa ua tatou maua ona o le onosa‘i mai pea o le Atua?**


Na ta‘utino mai e Satani, e leai se tasi e mafai ona auauna iā leova e aunoa ma le alofa lē manatu faapito. Pe e te mana‘o e faamaonia le sesē o lenā manatu? E mafai! O le onosa‘i o le Atua ua tatou maua ai le avanoa e faaalā ai, pe e tatou te manana‘o i le pule a le Atua po o pulega a tagata. E faailoa atu la tatou filifiliga, e ala i le auala o loo tatou ola ai.

 *Faitau le Iopu 1:8-12; Faataoto 27:11.*

#### **5. E faapefea ona tatou filifili e avea le Atua ma Pule?**

E mafai ona tatou filifili e avea le Atua ma o tatou pule, e ala i le sa‘ili ma a‘oa‘oina le tapua‘iga moni lea e faavae i lana Afioga, le Tusi Paia. (Ioane 4:23) E mafai ona ‘alofia le avea o Satani ma o tatou ta‘ita‘i, pe a solitū i faiga faapolotiki ma taua, e pei ona sa faia e Iesu.

 *Faitau le Ioane 17:14.*

E faaaogā e Satani lona mana e uuna‘ia ai amioga ma faiga lē mamā. O le ‘alofia o nei faiga, e teena ma ulagia ai i tatou e nisi o o tatou tauaiga ma uō. (1 Peteru 4:3, 4) Ua iā i tatou la se filifiliga. Po o le a tatou aufaatasi ea ma ē e alolofa i le Atua? Po o le a tatou usita‘ia ana tulafono atamai ma alofa? O le faia faapea, ua tatou faamaonia ai le pepelo o le tuua‘iga a Satani, e leai se isi e usita‘i i le Atua pe a fesaga‘i ma omiga.  *Faitau le 1 Korinito 6:9, 10; 15:33.*

O le alofa o le Atua i tagata, e faamaonia ai o le a ia faamutaina le leaga ma puapuaga. O i latou e talitonu i lenei folafolaga, o le a olioli i le ola e faavavau i le lalolagi.

 *Faitau le Ioane 3:16.*

O a tatou filifiliga, e iloa ai pe e tatou te manana‘o e avea le Atua ma o tatou Pule



# 9

## E Faapefea Ona Maua e Lou Aiga le Fiafia?



### 1. Aiseā e tāua ai le faaiipoipo i le mauaina o se aiga fiafia?


O le tala lelei e mai iā leova, le Atua fiafia, o lē e finagalo ina ia maua e aiga le fiafia. (1 Timoteo 1:11) O ia na amataina le faaiipoipoga. E tāua tele le faaiipoipo faaletulafono, ona e maua ai le fiafia i le aiga, ma se si'omaga malupuipua e tausia a'e ai fanau. E tatau i Kerisiano ona usita'ia tulafono a le atunuu e tusa ai ma le lesitalaina o faaiipoipoga.

 *Faitau le Luka 2:1, 4, 5.*

O le ā le silafaga a le Atua i le faaiipoipoga? E finagalo o ia ina ia avea o se tuufaatasiga e tumau i le va o le tane ma le avā. E finagalo leova i tane ma avā ina ia faamaoni le tasi i le isi. (Eperu 13:4) E 'ino'ino o ia i talagā faaiipoipoga. (Malaki 2:16) Ae e na te faatagaina Kerisiano ina ia tatala le faaiipoipoga ma toe faaiipoipo, pe afai e mulilua lana paaga.


 *Faitau le Mataio 19:3-6, 9.*

### 2. O le ā le auala e tatau ona feutaga'i ai le tane ma le avā?


Na foafoaina e leova le tamāloa ma le fafine ina ia galulue soosootau'au i le faaiipoipoga. (Kenese 2:18) I le avea ai ma ulu o le aiga, e tatau i le tane ona taulamua i le tausia o lona aiga i le itu faaletino, ma a'oa'oina i latou e uiga i le Atua. E tatau ona iā te ia se uiga faataulaga ona o lona alofa i lana avā. E tatau i tane ma avā ona alolofa ma faaaloalo le tasi i le isi. Talu ai e lē lelei atoatoa uma tane ma avā, o lea la, o le taumafai e faaalua le loto faamagalalo, o le a maua ai le fiafia i le faaiipoipoga.  *Faitau le Efeso 4:31, 32; 5:22-25, 33; 1 Peteru 3:7.*

### 3. Pe afai ua e lē fiafia i lau faaiipoipoga, pe e tatau ona e tuua lau paaga?


Pe a tula'i mai ni faafitauli i le va o oulua ma lau paaga, ia taumafai oulua uma e feagai ma le isi i le alofa. (1 Korinito


13:4, 5) E lē o faapea mai le Afioga a le Atua, o le nonofo esese, o se auala lea e fo'ia ai faafitauli masani i le faaipoipoga.  *Faitau le 1 Korinito 7:10-13.*


#### 4. Fanau e, o le ā le finagalo o le Atua mo oe?

E finagalo leova ina ia e fiafia. E na te aumaia fautuaga e sili ona lelei i le auala e maua ai le fiafia i lou olaga talavou. O lona finagalo ia e maua aogā mai i le atamai ma le tomai o ou mātua. (Kolose 3:20) E finagalo fo'i leova, o Lē na foafoaina oe, ina ia e maua le fiafia mai i le faia o mea mo ia, atoa ai ma lona Alo.  *Faitau le Failauga 11:9–12:1; Mataio 19:13-15; 21:15, 16.*

#### 5. Mātua e, e faapefea ona maua e lau fanau se olaga fiafia?


E tatau ona e galue malosi ina ia saunia meataumafa, fale, ma lavalava mo lau fanau. (1 Timoteo 5:8) Peita'i, ina ia maua e lau fanau le fiafia, e tatau fo'i ona e a'oa'o i latou ina ia alolofa i le Atua, ma ia a'oa'o ina ni lesona mai iā te la. (Efeso 6:4) O lau faaa'oa'oga i le faaalio o le alofa i le Atua, e mafai ona iai se aafiaga tele i le loto o lau tama. Pe a faavae au faatonuga i le Afioga a le Atua, e mafai ona fesoasoani i lau tama ina ia iloa le mea tonu e tatau ona fai.  *Faitau le Teuteronome 6:4-7; Faataoto 22:6.*

E maua e lau fanau aogā, pe a e faalaeiau ma faamālō atu iā i latou. E latou te mana'omia fo'i faasa'oga ma a'oa'iga. O le faia faapea, o le a puipuia ai i latou mai i amioga e ono mou atu ai le fiafia. (Faataoto 22:15) Peita'i, e lē tatau ona avatu a'oa'iga i se auala inainā pe sauā.  *Faitau le Kolose 3:21.*


Ua lomina e Molimau a leova le tele o tusi e fesoasoani faapitoa ai i mātua ma fanau. E faavae faamatalaga o loo i nei tusi mai i le Tusi Paia.  *Faitau le Salamo 19:7, 11.*



# E Faapefea Ona E Iloa le Tapua'iga Moni?



## 1. Pe e na o le tasi le tapua'iga moni?

E tasi le tapua'iga na a'oa'o e Iesu i ona soo, o le tapua'iga moni lea. Ua faatusaina i se auala e tau atu i le ola e faavavau. Na fetalai Iesu e uiga i lenā auala: “E to'aitiiti fo'i i latou o ē e maua.” (Mataio 7:14) E na o le tapua'iga e faavae i le Tusi Paia e talia e le Atua. Ua autasi fo'i tagata tapua'i moni uma i le faatuatuga e tasi.  *Faitau le Ioane 4:23, 24; 14:6; Efeso 4:4, 5.*

“Ia mataala  
pea i perofeta  
pepelo.”

—MATAIO 7:15.

## 2. O le ā le faamatalaga a Iesu e uiga i Kerisiano pepelo?


Na lapata'i mai Iesu o le a faale-againa le faa-Kerisiano e perofeta pepelo. I le vaaiga i fafo, e foliga mai i latou e peisea'i o ni tagata tapua'i moni. Ua faapea mai a latou lotu, o i latou o ni Kerisiano. Ae e mafai ona e iloa le itu-aiga o tagata e iai i latou. E faapefea? E na o le tapua'iga moni e maua ai Kerisiano moni e faaalua uiga ma amioga lelei.

 *Faitau le Mataio 7:13-23.*


## 3. E faapefea ona e mātauina tagata tapua'i moni?

Mātau faailoga e lima nei:


■ **O tagata tapua'i moni, e manatu i le Tusi Paia o le Afioga lea a le Atua.** E latou te taumafai lava e ola e tusa ma mataupu silisili o loo iai. O lea la, e ese le tapua'iga moni mai i tapua'iga o loo faavae i manatu o tagata. (Mataio 15:7-9) E ola tagata tapua'i moni e tusa ma mea o loo latou tala'ia.

 *Faitau le Ioane 17:17; 2 Timoteo 3:16, 17.*

“Ua latou ta'utino atu i luma o tagata ua latou iloa le Atua, ae peita'i, ua latou faafitia o ia e ala i a latou galuega.”—TITO 1:16.



■ **E faamamaluina e soo o Iesu le suafa o le Atua, o leova.**


Na faamamaluina e Iesu le suafa o le Atua e ala i le faalauiloaina atu. Na fesoasoani o ia i tagata ina ia iloa le Atua, ma a'oa'o i latou ina ia tatalo e faapaia le suafa o le Atua. (Mataio 6:9) I le vaipanoa o loo e alaala ai, o lē fea lotu o loo faalauiloaina atu le suafa o le Atua?  *Faitau le Ioane 17:26; Roma 10:13, 14.*

■ **E tala'i e Kerisiano moni le Malo o le Atua.**

Na auina mai e le Atua Iesu ina ia tala'i atu le tala lelei o le Malo. E na o le Malo o le Atua le faamoemoe mo tagata. Na faaauau pea ona tala'i atu e Iesu lenā Malo se'ia oo i le aso na maliu ai. (Luka 4:43; 8:1; 23:42, 43) Na fetalai o ia e faapea, o le a tala'i atu fo'i e ona soo lenei Malo. Pe a talanoa atu se tasi iā te oe e uiga i le Malo o le Atua, faamata o le ā lana lotu?


 *Faitau le Mataio 24:14.*

■ **E leai se vaegafai a soo o Iesu i lenei lalolagi**


**amioleaga.** E mafai ona e mātāuina Kerisiano moni, ona e latou te lē auai i faiga faapolotiki po o feeseesea'iga a le lautele. (Ioane 17:16; 18:36) E lē gata i lea, e latou te lē mulimuli i amioleaga ma uiga leaga o lenei lalolagi.  *Faitau le Iakopo 4:4.*

■ **E matilatila Kerisiano moni i le alofa o le tasi i le isi.**

Ua a'oa'o ina i latou i le Afioga a le Atua ina ia faaaloalo i tagata eseese. E ui e masani ona lagolago malosi e lotu pepelo faigātaua, ae e lē faia faapea e tagata tapua'i moni. (Mika 4:1-3) Nai lo lea, e fiafia Kerisiano moni e faaogā o latou taimi ma alāmanuia e fesoasoani ma faalaeiau ai i isi.

 *Faitau le Ioane 13:34, 35; 1 Ioane 4:20.*

#### 4. Pe e mafai ona e iloa le tapua'iga moni?

O lē fea lotu o loo faavae a latou a'oa'oga uma i le Afioga a le Atua, faamamaluina le suafa o le Atua, ma faalauiloa atu le Malo o le Atua, e na o le pau lea o le faamoemoe mo tagata? O lē fea lotu e faaalua le alofa ae 'alofia faigātaua? O le ā sou manatu?  *Faitau le 1 Ioane 3:10-12.*

# E Faapefea Ona Aogā iā i Tatou Mataupu Silisili o le Tusi Paia?



## 1. Aiseā e tatou te mana'omia ai se ta'ita'iga?

E sili atu le atamai o Lē na foafoaina i tatou. I le avea ai o se Tamā alofa, e alofa mai o ia iā i tatou. E lē gata i lea, e le'i finagalo o ia ina ia ola tuto'atasi le tagata. (Ieremia 10:23) E pei lava ona mana'omia e se tamaitiiti le ta'ita'iga a ona mātua, e faapena fo'i ona tatou mana'omia le ta'ita'iga a le Atua. (Isaia 48:17, 18) O mataupu silisili o loo i le Tusi Paia, o se meaalofa lea mai i le Atua e ta'ita'ia ai i tatou.

📖 *Faitau le 2 Timoteo 3:16.*

O tulafono ma mataupu silisili a leova, ua a'oa'oina ai i tatou i le auala sili e ola ai i le taimi nei, ma faaalua mai ai le auala e maua ai i le lumana'i ni tau'i e tumau. Talu ai na foafoaina i tatou e le Atua, ua talafeagai ai la ona tatou talisa-paia lana ta'ita'iga. 📖 *Faitau le Salamo 19:7, 11; Faaaliga 4:11.*

## 2. O le ā o loo faasino i ai mataupu silisili o le Tusi Paia?

O mataupu silisili o le Tusi Paia e faasino atu i upu moni faavae. A o tulafono e faaaogāina i ni tulaga patino. (Teuteronomie 22:8) E tataua ona tatou faaaogā le tomā e mafaufau ai, ina ia malamalama ai i le auala e faatatau ai se mataupu silisili i se tulaga patino. (Faataoto 2:10-12) O se faaa'oa'oga, o loo a'oa'oina i le Tusi Paia, o le ola o se meaalofa mai i le Atua. O lenā mataupu silisili faavae, e mafai ona ta'ita'ia ai i tatou a o iai i galuega, i le fale, ma a o fai malaga. E fesoasoani iā i tatou ina ia tausia ai pea le saogalemu.

📖 *Faitau le Galuega 17:28.*

## 3. O ā mataupu silisili e lua e sili ona tāua?

Na ta'ua e Iesu ni mataupu silisili se lua e sili ona tāua. Ua faailoa mai i le mataupu silisili muamua le fuafuaga autū na


E faapefea ona uuna'ia i tatou e mataupu silisili o le Tusi Paia ina ia tausia le saogalemu?

—SALAMO 36:9.

soifua ai le tagata—o le iloa lea o le Atua, alolofa iā te ia, ma auuana iā te ia ma le faamaoni. E tatau ona manatua lenei mataupu silisili pe a faia a tatou filifiliga uma. (Faataoto 3:6) O i latou e usita'ia lenei mataupu silisili o le a mauaina se faauōga ma le Atua, le fiafia moni, ma le ola e faavavau.


 *Faitau le Mataio 22:36-38.*


Ua faailoa mai i le mataupu silisili lona lua le auala e tatou te maua ai se faiā filemu ma isi. (1 Korinito 13:4-7) O le faatatauina o lenei mataupu silisili, e aofia ai le faaa'oa'o i le auala e feutaga'i ai le Atua ma tagata.


 *Faitau le Mataio 7:12; 22:39, 40.*

#### **4. E faapefea ona aogā iā i tatou mataupu silisili o le Tusi Paia?**

O mataupu silisili o le Tusi Paia ua a'oa'oina ai aiga i le auala e autasi ai i le alofa. (Kolose 3:12-14) Ua puipuia fo'i aiga e le Afioa a le Atua, i le a'oa'oina o se isi mataupu silisili e faapea, o le faaipoipoga o se faatulagaga e tumau.

 *Faitau le Kenese 2:24.*

O le mulimuli i le a'oa'oga a le Tusi Paia e puipuia ai i tatou i le itu i le tino ma i faalogona. O se faaa'oa'oga, e masani ona manana'o pule o galuega e faafaigaluega ni tagata o loo ola e tusa ma mataupu silisili o le Tusi Paia, e pei o le faamaoni ma le to'aga. (Faataoto 10:4, 26; Eperu 13:18) Ua a'oa'oina fo'i i tatou e le Afioa a le Atua ia lotomalilie i mea ua maua, ma faatāua le faauōga ma le Atua e sili atu nai i lo o meafaitino.  *Faitau le Mataio 6:24, 25, 33; 1 Timoteo 6:8-10.*

O le faatatauina o mataupu silisili o le Tusi Paia, e puipuia ai lo tatou soifua mālōlōina. (Faataoto 14:30; 22:24, 25) O se faaa'oa'oga, o le utagia o fautuaga a le Tusi Paia e uiga i le onā, e puipuia ai i tatou mai faalavelave ma faama'i e oti ai. (Faataoto 23:20) E faataga e leova le inu i le 'ava malosi, ae i se auala e fuafua lelei. (Salamo 104:15; 1 Korinito 6:10) E aogā mataupu silisili a le Atua, e a'oa'oina ai i tatou ina ia puipuia a tatou gaoioiga ma mafaufauga. (Salamo 119:97-100) Peita'i, e lē usita'i Kerisiano moni i tapulaa a le Atua ona o ni faamanuiaga e maua mai ai, ae e latou te faia faapea ina ia faamamaluina ai leova.  *Faitau le Mataio 5:14-16.*




# 12

## E Faapefea Ona E Mafuta Vavalalata Atu i le Atua?




### 1. Pe e faafofoga le Atua i tatalo uma?


Ua valaaulia e le Atua tagata o atunuu uma ina ia mafuta atu iā te ia e ala i le tatalo. (Salamo 65:2) Ae e lē faafofoga o ia i tatalo *uma*. O se faaa'oa'oga, e mafai ona faalavelavea tatalo a se tane e faileagaina lana avā. (1 Peteru 3:7) E lē gata i lea, ina ua faaaauu pea ona faia e tagata Isaraelu le amioleaga, e le'i fia faafofoga le Atua i a latou tatalo. Ae peita'i, e faafofoga le Atua i tatalo a ē e faia agasala matuiā, pe afai e latou te salamō moni. Ioe, o le tatalo o se faaeaga.

 *Faitau le Isaia 1:15; 55:7.*

### 2. E faapefea ona tatou tatalo?

O le tatalo o se vaega o la tatou tapua'iga, o lea, e na o leova o Lē na foafoaina i tatou, e tatau ona tatalo i ai. (Mataio 4:10; 6:9) E lē gata i lea, ona e tatou te lē lelei atoa-toa, e tatau la ona tatalo e ala atu i le suafa o Iesu, ona na maliu o ia mo a tatou agasala. (Ioane 14:6) E lē finagalo leova e a'o faatauloto pe e tusia fo'i a tatou tatalo, ae ia tatalo mai i o tatou loto.  *Faitau le Mataio 6:7; Filipi 4:6, 7.*

E faafofoga mai fo'i Lē na foafoaina i tatou i tatalo lē leoa. (1 Samuelu 1:12, 13) Ua ia valaaulia i tatou ina ia tatalo atu i taimi uma, e pei o le amataga ma le faai'uga o le aso, i taimi o mea'ai, ma pe a fesaga'i ma faafitauli.

 *Faitau le Salamo 55:22; Mataio 15:36.*

### 3. Aiseā e faapotopoto faatasi ai Kerisiano?

E lē faigofie le mafuta atu i le Atua ona o loo tatou ola faatasi ma tagata e lē faatuatua i le Atua, ma tauemu i ana folafolaga e uiga i le aumaia o le filemu i le lalolagi. (2 Timoteo 3:1, 4; 2 Peteru 3:3, 13) O lea, e tatou te mana'omia ai ni faatasiga e faalaeiauina ai faatasi ma o tatou uso.

 *Faitau le Eperu 10:24, 25.*





O le auaufaatasi ma tagata e alolofa i le Atua, o le a fesoa-soani iā i tatou ina ia mafuta vavalalata ai i le Atua. O sauniga a Molimau a leova, o se avanoa lelei lea e maua ai ni aogā mai i le faatuatua o isi. 📖 *Faitau le Roma 1:11, 12.*

#### 4. E faapefea ona e mafuta vavalalata atu i le Atua?

E mafai ona e mafuta vavalalata atu iā leova pe afai e te mafaufau loloto i mea ua e a'oa'oina mai i lana Afioga. Ia mātau ana galuega, o ana fautuaga, ma ana folafolaga. O le mafaufau loloto faatasi ai ma le tatalo, e mafai ona atia'e ai i o tatou loto le talisapaia o le alofa ma le atamai o le Atua. 📖 *Faitau le Iosua 1:8; Salamo 1:1-3.*

E faato'ā mafai ona tatou mafuta atu i le Atua, pe a talitonu ma faatuatua iā te ia. Ae e tai pei le faatuatua o se laau, e tatau ona fui. E tatau ona faasūsūina pea lou faatuatua, e ala i le iloiloina o le faavae o ou talitonuga. 📖 *Faitau le Mataio 4:4; Eperu 11:1, 6.*

#### 5. E faapefea ona aogā iā te oe le mafuta vavalalata atu i le Atua?

E tausia e leova ē e alolofa iā te ia. E na te puipuia i latou mai i so o se mea e lamatia ai lo latou faatuatua, ma lo latou faamoemoe o le ola e faavavau. (Salamo 91:1, 2, 7-10) Ua ia lapata'ia i tatou e 'alo ese mai i ala e faaleagaina ai lo tatou soifua mālōlōina, ma lo tatou fiafia. Ua a'oa'oina i tatou e leova i le auala sili e ola ai. 📖 *Faitau le Salamo 73:27, 28; Iakopo 4:4, 8.*



# 13

## O le ā o le a Tupu i Lotu?



### 1. Pe e lelei lotu uma?

O loo iai i lotu le to'atele o tagata faamaoni. O se tala lelei le iloa e silafia mai e le Atua i latou na, ma e manatu mamafa mai i ai. Peita'i e faanoanoa lava, ona ua faaaogā e nisi o tagata ia lotu mo ni fuafuaga lē lelei. (2 Korinito 4:3, 4; 11:13-15) E tusa ai ma tala fou, ua faaauiluma e nisi o lotu faiga faatupu faalavelave, fasiotia o tagata, o taua, ma le sauāina ma le faileagaina o tamaiti i feusua'iga matagā. O lenei mea ua matuā faanoanoa ai lava tagata faamaoni o le Atua!

📖 *Faitau le Mataio 24:3-5, 11, 12.*

O le lotu moni e latou te viiaina le Atua, ae o lotu sesē e latou te faia mea e lē fiafia ai lona finagalo. E a'oa'oina e lotu sesē manatu e lē o ta'ua i le Tusi Paia, e aofia ai a'oa'oga sesē e uiga i le Atua ma i latou ua maliliu. Ae e finagalo leova ina ia iloa e tagata upu moni e uiga iā te ia.

📖 *Faitau le Esekielu 18:4; 1 Timoteo 2:3-5.*


### 2. O le ā o le a tupu i lotu?


O le mea e fiafia ai, ona e lē faasesēina le Atua i lotu o loo faapea mai e alolofa iā te ia, ae o le mea moni e fiafia i latou i le lalolagi a Satani. (Iakopo 4:4) O loo ta'ua i le Afioga a le Atua lotu sesē uma o “Papelonia le Aai Tele.” O Papelonia o le aai anamua na amata mai ai tapua'iga sesē ina ua mavae le Lolo i aso o Noa. E lē o toe umi ona aumaia loa lea e le Atua le faaumatiaga i lotu o loo faasesēina ma faapologaina tagata. 📖 *Faitau le Faaaliga 17:1, 2, 5, 16, 17; 18:8.*

E iai fo'i se isi tala lelei. E lē o faagaloina e leova tagata faamaoni uma o loo iai i lotu sesē i le lalolagi atoa. Ua ia autasia i latou nei e ala i le a'oa'oina i le upu moni.


📖 *Faitau le Mika 4:2, 5.*

### 3. O le ā e tatau ona faia e tagata faamaoni?

E alofa leova i tagata e fiafia e fai le mea sa’o ma lelei. Ua apoapoa’i atu o ia iā i latou ina ia o ese mai i lotu sesē. O tagata e alolofa i le Atua e lotomalilie e faia suiga i o latou olaga, ina ia faafiafia ai o ia.  *Faitau le Faaaliga 18:4.*

I le ulua’i senituri, na tali mai ma le olioli tagata ina ua faalogo i le tala lelei na tala’ia atu e aposetolo. Na latou a’oa’o ina se olaga fou mai iā leova, o se olaga fiafia e iai se fuafuaga ma se faamoemoe. O i latou o se faaa’oa’oga lelei mo i tatou i aso nei, ona na latou talia le tala lelei e ala i le faamuamua o leova i o latou olaga.  *Faitau le 1 Tesalonia 1:8, 9; 2:13.*

E talileleia e leova i lona aiga, tagata tapua’i o ē ua liliu ese mai i lotu sesē. Pe a e talia lana valaaulia māfana, o le a e maua la se faauōga ma ia, o se aiga fou e alolofa o ē e tapua’i iā leova, faapea ma le ola e faavavau.

 *Faitau le Mareko 10:29, 30; 2 Korinito 6:17, 18.*

### 4. O le a faapefea ona aumaia e le Atua le olioli i le lalolagi atoa?

O le faamasinoga o lotu sesē lea o loo loma nei, o se tala lelei. O le a aumaia ai se mapusaga mo tagata uma o loo mafatia i le lalolagi. O le a lē toe faasesēina pe e fe’aina’i tagata ona o lotu sesē. O le a autasia tagata uma lava i le tapua’iga i le Atua moni e to’atasi.

 *Faitau le Faaaliga 18:20, 21; 21:3, 4.*

---

Ua autasia tagata i  
le tapua’iga moni





# 14

## O le ā le Māfuaaga o le lai o se Faalapotopotoga a leova?



### 1. Aiseā na faamaopoopo ai e le Atua tagata Isaraelu anamua?

Na faamaopoopo e le Atua le fanau a le augātamā o Ape-raamo, e avea ma nuu ma tuu atu i ai ni tulafono. Na ia faaigoaina lenā nuu, o “Isaraelu,” ma fai i latou ma ē e tausia le tapua’iga mamā ma lana afioga. (Salamo 147:19, 20) O lea la, e mafai ona maua e tagata o nuu uma ni aogā mai iā Isaraelu.  *Faitau le Kenese 22:18.*


Na filifilia e le Atua tagata Isaraelu e avea ma ana molimau. O lo latou talaaga anamua, ua iloa ai le auala e maua ai e tagata aogā mai i le usita’ia o tulafono a le Atua. (Teuteronome 4:6) O lea la, e ala i tagata Isaraelu, na oo ai ina iloa e isi le Atua moni.  *Faitau le Isaia 43:10, 12.*

### 2. Aiseā e faapotopoto ai Kerisiano moni?

Na faasolosolo mālie ona lē maua e le nuu o Isaraelu le finagalo malie o le Atua, ma na filifilia ai e leova le faapotopotoga Kerisiano e suitulaga i lenā nuu. (Mataiao 21:43; 23:37, 38) I le taimi lenei, ua auauna Kerisiano moni e avea ma molimau a leova, e sui a’i le nuu o Isaraelu.

 *Faitau le Galuega 15:14, 17.*

Na faamaopoopo e Iesu ona soo ina ia tala’i atu ma faia nuu uma ma soo. (Mataiao 10:7, 11; 24:14; 28:19, 20) Ua oo atu lenei galuega i lona tumutumuga, i le taufaa’i’ui’uga o le faiga o mea a lenei lalolagi. Ua autasia e leova mo le taimi muamua, le faitau miliona o tagata mai i nuu uma mo le tapua’iga moni. (Faaaliga 7:9, 10) Ua faapotopotoina fo’i Kerisiano moni ina ia fesoasoani ma faalaeiau le tasi i le isi. I a latou sauniga i le lalolagi aoao, o loo olioli ai i polokalame taua’oa’oga faale-Tusi Paia e tasi.

 *Faitau le Eperu 10:24, 25.*


### 3. Na faapefea ona amata mai le faalapotopotoga a Molimau a leova i aso nei?

Na amata le faalapotopotoga a Molimau a leova i aso nei, mai i vaitausaga o le 1870, ina ua iloa e se vaega to‘aiti-iti ni upu moni o le Tusi Paia ua leva ona lē toe faaaogāina. Na latou iloa sa faamaopoopo e Iesu le faapotopotoga Kerisiano ina ia tala’i atu, ona latou tala’i atu loa lea o le Malo i le lalolagi atoa. Na talia e lenei vaega le igoa Molimau a leova i le tausaga e 1931.


 *Faitau le Galuega 1:8; 2:1, 4; 5:42.*


### 4. Ua faapefea ona faamaopoopo Molimau a leova i aso nei?

I le ulua’i senituri, na maua e faapotopotoga Kerisiano i le tele o atunuu ni aogā mai i se vaega pule, o ē na iloa o Iesu o le Ulu o le faapotopotoga. (Galuega 16:4, 5) E faapena fo’i i aso nei, o loo maua e Molimau a leova i le lalolagi atoa ni aogā mai i le Vaega Pule o ni toeaina agavaa. O loo latou vaa-vaaia ofisa o lālā o Molimau a leova, lea o loo faaliliu, lomía, ma tufatufaina atu lomiga faale-Tusi Paia i le silia ma le 600 gagana. O loo saunia fo’i e le Vaega Pule ni faalaeiauga faale-Tusi Paia ma ta’iala, mo le silia ma le 100,000 faapotopotoga i le lalolagi atoa. I faapotopotoga ta’itasi, o loo galulue ai ni tane agavaa e avea o ni toeaina, po o ni ovasia. O loo vaavaaia e nei tane alolofa le lafu a le Atua.

 *Faitau le 1 Peteru 5:2, 3.*

Ua faapotopotoina Molimau a leova ina ia tala’ia le tala lelei, ma faia isi ma soo. E pei o le ‘auapose-tolo, e latou te tala’i atu mai i lea fale i lea fale. (Galuega 20:20) E latou te ofo atu fo’i e su’esu’e le Tusi Paia ma tagata e manana’o moni e iloa le upu moni. Ae o Molimau a leova, e lē na o se faalapotopotoga. O i latou o se ‘auaiga e iai se Tamā alofa, ma o ni uso ma tuafāfine e alolofa le tasi i le isi. (2 Tesalonia 1:3) Talu ai ua faamaopoopoina tagata o leova ina ia faafiafia lona finagalo ma fesoasoani i isi, o lea la, ua faia a’e ai iā i latou se aiga e sili ona fiafia i le lalolagi.

 *Faitau le Salamo 33:12; Galuega 20:35.*



Mo nisi faamatalaga, taga’i i le mataupu e 19 o le tusi  
O ā A’oa’oga Moni a le Tusi Paia?

# Aiseā e Tatau ai Ona Faaauau Ona E A'oa'oina Mea e Uiga iā leova?



## 1. E faapefea ona aogā iā te oe le faaauau pea o lau su'esu'ega faale-Tusi Paia?

E mautinoa, o lenei aotelega o a'oa'oga faavae o le Tusi Paia e faamalosia ai lou alofa mo leova. E tatau ona tatou galulue ina ia faamalosia pea lenā alofa. (1 Peteru 2:2) E faalagolago lou faamoemoe i le ola e faavavau, i le faaauau ona e mafuta vavalalata atu i le Atua, e ala i le su'esu'eina o lana Afioga. *Faitau le loane 17:3; luta 21.*

O le a faamalosia lou faatuatua a o tuputupu a'e lou iloa e uiga i le Atua. E fesoasoani le faatuatua iā te oe ina ia faafiafia ai o la. (Eperu 11:1, 6) O le a uuna'ia ai oe ina ia salamō ma faia ni suiga aogā i le auala e te ola ai. *Faitau le Galuega 3:19.*

## 2. E faapefea i lou iloa o le Atua ona maua ai e isi aogā?

O le tulaga masani lava, e te mana'o e ta'u atu i isi mea ua e iloa, auā e tatou te fiafia uma lava e faamatala atu ni tala lelei. A o faaauau ona e su'esu'eina le Tusi Paia, o le a e iloa ai le auala e faaogā ai le Tusi Paia, e faamatala atu ai ou talitonuga e uiga iā leova ma le tala lelei. *Faitau le Roma 10:13-15.*

O le to'atele o tagata, e muamua lava ona latou faamatala atu le tala lelei i uō ma tauaiga. Ae ia faautauta. Nai lo o le faapea atu e sesē a latou lotu, ia ta'u atu iā i latou folafolaga a le Atua. E lē gata i lea, ia manatua e sili atu ona maofa tagata i o tatou uiga agalelei, nai lo o mea e tatou te fai atu ai.

*Faitau le 2 Timoteo 2:24, 25.*

## 3. O le ā le faiā ma le Atua e mafai ona e maua?

O le su'esu'eina o le Afioga a le Atua, o le a fesoasoani iā te oe e tuputupu a'e ai faaleagaga. Mulimuli ane, o le a e maua ai se faiā faapitoa ma leova, ma mafai ai ona avea moni oe ma sui o lona aiga. *Faitau le 2 Korinito 6:18.*


---


E mafai ona e maua se faiā faapitoa ma leova



#### 4. E faapefea ona e aga'iga'i pea i luma?

E mafai ona e aga'iga'i i luma faaleagaga, pe a faaaauu ona e su'esu'e i le Afioga a le Atua. (Eperu 5:13, 14) la talosaga atu i se tasi o Molimau a leova ina ia su'esu'e faatasi ma oe le Tusi Paia, e faaaogā ai le tusi *O ā A'oa'oga Moni a le Tusi Paia*? O le tele lava e te a'oa'oina ai le Afioga a le Atua, o le tele fo'i lenā o le taulau manuia o lou olaga.

 *Faitau le Salamo 1:1-3; 73:27, 28.*

O le tala lelei e mai iā leova le Atua fiafia. E mafai ona e mafuta vavalalata atu iā te ia, pe afai e te mafuta atu i ona tagata. (Eperu 10:24, 25) O le faaaauu ona e faia o taumafaiga ina ia faafiafia leova, ua e aapa atu ai i le ola moni, o le ola lea e faavavau. O le mafuta vavalalata atu i le Atua, o le mea sili lava lea e mafai ona e faia.  *Faitau le 1 Timoteo 1:11; 6:19.*


O ā A'oa'oga Moni  
a le Tusi Paia?



E maua lenei lomiga i le initaneti i le [www.jw.org](http://www.jw.org) i le faitau selau o gagana

O FEA LE  
MATAUPU E TE  
FIAFIA I AI?

1



O le ā le  
tala lelei?

2




O ai le Atua?

3



Pe e moni e mai i le  
Atua le tala lelei?

4



O ai Iesu Keriso?

5




O le ā le finagalo o le  
Atua mo le lalolagi?

6




O le ā le faamoemoe  
mo ē ua maliliu?

7



O le ā le Malo  
o le Atua?

8



Aiseā ua lē taofia ai  
e le Atua mea leaga  
ma mafatiaga?

9



E faapefea ona maua  
e lou aiga le fiafia?

10



E faapefea ona e iloa  
le tapua'iga moni?

11



E faapefea ona aogā  
iā i tatou mataupu  
silisili o le Tusi Paia?

12



E faapefea ona e  
mafuta vavalalata  
atu i le Atua?

13



O le ā o le a  
tupu i lotu?

14



O le ā le māfuaaga  
o le iai o se  
faalapotopotoga  
a leova?